

芝園集目錄

絲集卷之九

律詩 七言上

送洪九玄還姑孰

新秋感興和徐孟孺韵二首

七夕前一日送馮咸甫省覲南中因遊太學和

莫方伯先生韵

七月七日同彭欽之徐澤夫訪徐孟孺於馬嶠

寺僧出齋供

七夕二首



河橋渡後一日戲贈織女

汎舟龍潭同莫廷韓彭欽之徐孟孺

西林禪寺禮佛

登萬佛閣

壽青浦屠明府長卿

懷虞山陳錫玄

懷吳門史舜舉

送陸伯生之燕

送黃孟威貢試白下

秋日同朱孟元莫廷韓季仲登王補之燕集徐

澤夫水西園得秋字

來佛座前稿荷

送徐澤夫北試

同徐澤夫登金山

河間道中大雪

德州道中

過琉璃河橋

望親

憶內

思弟

懷友

京師除夕

元旦早朝

遊西山

聖駕幸西山恭賦

聞報

贈陳悟泉

贈馮山人子潛

輓潘恭定公

咏朱孟元華月軒得雲字

咏三白酒

咏華山贈龔君

送徐孟孺北行

送徐澤夫

舟次再贈澤夫

送喬伯麟北上

送道平上人還山

寄葉司理克慎

送余公漢城還朝

簡徐鴻臚正夫

贈徐給諫做弦

送王府幕述泉北上

寄彭欽之

壽顏令君嶧皋

寄呈聶兵憲崇野老師

夜集馬嶧寺雪泉上人禪房

送楊別駕敷虞北行

懷徐孟孺王補之董玄宰徐澤夫同社諸兄弟

游燕

贈景峰上人

秋日同朱孟元顧爾成張虞侯唐元升沈孺休

孫世聲及諸弟士虬士遜遊九峰二首

送陳程登南行

送史舜舉

送內兄季仲登

送士端弟二首

送朱伯翟

送章公覲

送張仲仁

送王韜甫

送董原道

送張孟端

泊舟橋李題烟雨樓

夜宿烟雨樓再賦

遊西湖

懷馮太史開之

岳王墳

蘭江夜雨胡孝廉元瑞同鄧廷尉希甫移酌舟次

寓澱水驛題贈

訪同年葉蘭谿玉城

賦贈葉玉城

何士柏芝園集  
謁章楓山先生祠

贈章大僕小山

訪同年方金華岱陽

贈張郡侯鳳梧

贈周郡丞正所

贈呂別駕官城

寄投劉司理直洲

投贈毛山陰仁山

步紹興官廨

夏禹陵

呈座師朱宗伯

朱老師招携別業

訪舊父母張喻齋二首

歸汎姚江

嘉湖道中阻風

訪董儀部伯念

壽茗水張東園

同年包襲明黃玄之招同沈孺休孫世聲飲湖

何士柏之園集  
律言  
中賦謝

送清臣張丈北游訪董太史

與董太史玄宰

寄楊彥履因憶馮開之唐元徵董玄宰諸同社

俱在史館感賦

送徐公懋之金陵限韻

椿萱並茂為陳令君養自賦

江天曉發贈徐民部

壽蔣嬰濱

贈璩君瑕山居

舅氏包吉甫大父蒙泉從大父吳石兩侍御公

並祀鄉賢係隄中盛事詩以紀之

奉枉唐長公高元錫二進士飲園中賦得園字

李茂承招同俞僉憲新宇飲顧中翰濯錦園

春日邀林儀卿李賓卿陳誠一朱爾師諸同袍

文飲園中

壽張郡丞雲橋

贈張郡丞考滿

何氏芝園集  
律詩  
七  
豫章鄧泰素過訪留飲賦贈

何氏芝園集

華亭何三畏士抑 著

律詩七言上

送洪九玄還姑孰

猿飛落落客江東  
傾蓋論交意氣雄  
衛叔清標堪比玉  
王生藻思欲如虹  
歸來寂寞歌長缺  
臨別遲回嘆轉遼  
我亦南遊君念否  
莫因衣帶阻相逢

新秋感興和徐孟孺韻

大火西馳暑氣收  
夜深忽報白雲秋  
天高鷹隼風初

勁葉落梧桐。水亂流。帶月寒。蟬鳴枕簟。滿簾涼露濕。  
螢候。獨憐此夕。悲秋客。長笛吹殘。洞壑幽。

其二

閒庭夜色納涼新。仰見明河白似銀。秋入流螢空掩  
扇。愁看蟬聲欲依人。露花初冷。湘妃珮。雲葉能清漢  
女。津此夕不煩消暑處。一鈎寒月淨無塵。

七夕前一日送馮咸甫省親南中因遊大學和

莫方伯先生韻

江天一葉起。秋聲雁河水。茫茫浩劫。不任更古來。稱備

伯諸生今日重康成。紫尊羨熟堪供酒。烏鵲橋低引  
去旌。此際望雲兼望氣。王孫不是棄繻生。

七月七日同彭欽之徐澤夫訪徐孟孺於馬喙

寺僧出齋供

蒼蒼古寺樹陰仍。為問徐生挈伴登。明月未懸青漢  
上文星。已聚碧雲層三珠散。采飯才子一鉢談。經對  
老僧愧我元非。鄴下侶。天花墮處憶良朋。

七夕

虛窗落照暮雲多。半捲珠簾隔翠娥。爽氣乍聞鷲鳳

律涼風微度濕龍梭。黃姑掩淚初當夜。織女含嬌舊  
渡河。海日曛曛天欲曙。歡娛其奈別離何。

其二

碧天縹緲夜光侵。水映長空月滿林。耿耿銀河懸五  
色。纖纖玉手弄雙針。赤龍迎去陶公冶。青鳥飛來王  
母禽。明日盈盈一水隔。機中清淚可能禁。

河橋渡後一日戲贈織女

寶月銀缸話未央。與郎數起視東方。停梭淚落機中  
錦。對鏡塵銷匣裡光。總是千秋歡未盡。那堪一水恨

偏長亦知天上傷心處。謾說人間待報章。

汎舟龍潭同莫廷韓彭欽之徐孟孺

大湖輕汎木蘭舟。慷慨風流續勝遊。紺殿遠標雲霧  
靄。翠屏低映水浮浮。歌聲落日尋溪轉。梵響空林入  
境悠。今日會當河朔飲。諸君授簡媿難酬。

西林禪寺禮佛

如來席上靄靄芬。片片青蓮擁紫雲。二六空時呈法  
相。三千大地肅齋熏。譚開覺苑天花亂。思入祇洹寶  
樹紛。最上本來無一物。朝鐘暮鼓亦聲聞。

登萬佛閣

翠微閣聳入天風佛掌輪開紫氣聚何處暮鐘聞檻  
外忽來仙梵出雲中臨流日落龍宮迥眺野烟消雁  
塔雄十二諸天回首是幾時覓得此真空

壽青浦屠明府長卿

借來穎上使君賢誰說龔黃治行先手挾風雷看變  
化身隨琴鶴任翮蹏已歌麥裏徵雙穗又見民間戴  
二天聞道蓬壺名姓在漢庭良吏有神仙

懷虞山陳錫玄

時丁內報余缺甲慰

古來名士無虛籍今說陳家有仲方謬向今來誇  
骨誰將寶匣掩魚腸步兵重惜攀號去孺子猶慚絮  
酒將莫道良朋惟永嘆新添懶病亦踈狂

懷吳門史愛舉

曾憶當年掛榻時薰霞處處倚瓊枝白眉名下君無  
愧青眼看來我自知蒼茫宇宙論心濶咫尺雲山聚  
首誰最恨相逢易相別三秋搖落未堪悲

送陸伯生之燕

時在黃太史西席

吳下從來重士衡天涯到處說逢迎歌成白雪難為

和劍吐青鱗動有聲廿載風塵寧寂寞千秋節俠任  
縱橫况當叔度同舟日萬頃波濤望 帝京

送黃孟威貢試白下

鬱鬱金陵罨畫圖看君匹馬躍花衢才高賈傅能籌  
策年少終軍欲棄繻南國佳人誇獨步中原多士敢  
先驅定知此去餘秋色別有凌雲冠古吳

秋日同朱孟元莫廷韓季仲登王補之讌集徐

澤夫水西園得秋字

晴光縹緲碧天秋谷水城西不厭游青雀飛時嬌白

岸綠楊深處迥朱樓談傾玉塵堪驚座醉咏金甌足  
散愁倚杖雲山看咫尺還因明月且淹留

咏佛座前槁荷

邃宇虛庭放寶花青蓮葉葉覆金沙風迴鸞馭留明  
月露滴瓊枝冷歲華火內披來終幻相空中散去亦  
烟霞何年檻外春光遍又見芳叢爛吐葩

送徐澤夫北試

江亭落日照青春隔岸垂楊暗紫塵馬上翩翩人是  
玉壚頭的酒如銀當年下榻交情舊此日瞻輪客

何士...  
泪新南浦離歌聲漸發看君意氣薄秋旻

同澤夫登金山

大江秋色引飛旌携手登臨望 玉京寶刹半移雲  
外影清音微度谷中聲千林落照孤峰迥萬壑回潮  
一棹輕曾記古來多擊楫與君同濟亦崢嶸

河間道中大雪

霏霏雪色亂蒼苔客子乘車拂袖回忽訝桺絲驕日  
舞還疑鷺羽倒天開青山暗入千峰玉綠樹斜鋪一  
望梅此景堪憐亦堪賞豪吟可自灑橋來

德州道中

北望長安意轉迷那堪一日雨淒淒怪來白雪欺人  
骨贏得紅塵撲馬蹄日暮投村惟索酒詩成羈旅欲  
畱題年年故國君同在何似當時事鼓鼙

過琉璃河橋

一望橋梁匹馬遲天邊高挂碧琉璃大河盤曲雲為  
砌奇石參差玉作堤香氣似迎飛鳳輦潮聲直湧鑿  
龍池瀛洲北去風光好可是仙郎題柱時

望親

何士抄芝園集  
堂前春鶯望湯湯念子應嗟行路難十二時中紅日  
遠三千里外白雲寒暫留叔季供薪水頻問晨昏寄  
羽翰忽指玉鞭愁欲墜翻令回首怨長安

憶內

都門仗劍意何如對酒高歌強自舒風靜屢聞人弄  
笛月明空望雁嘶書憐予青鬢愁添雪念爾朱顏苦  
似荼只恐秋颺遲客思恰逢春信又停車

思弟

一路平蕪草不青行人歌斷雁行聲夢中蝶舞同為

雁雁外鷺鷥啼各自聽書寄老親留愛日占來太史聚  
雙星莫言四海皆兄弟愁見飛雲逐去萍

懷友

西風颯颯送扁舟此去誰憐汗漫游分首北來無二  
月迎眸南望隔三秋長途雨雪侵人老絕塞風烟動  
旅愁為報故鄉知已道即今我已到神州

京師除夕

蕭然萬里作羈臣暝色駸駸傍紫宸北極千秋逢歲  
盡西風一夕轉年新微聞寒漏憑窗入會見春旂簇

倚杖想到故鄉雲樹渺可憐逆旅未歸人

元旦早朝

待漏趨朝向日邊千官拜舞自翩躚遙聞仙仗三呼  
祝也襲金爐幾度烟雲擁鶴行連北闕月臨鳳輦落  
中天詞臣早獻三都賦 御殿新裁五色箋

遊西山

西遊一覽畫圖中立馬諸山路不窮地接鼎湖雲繚  
繞香浮寶刹樹朦朧峰頭亂石流泉白堤畔踈楊落  
照紅來色尚餘歸客興可憐三百快東風

聖駕幸西山恭賦

春光澹蕩錦山川 帝幸西郊沸管絃夾道傳呼香  
輦下千官扈從 聖人前風迴羽騎飛天上雲擁霓  
旌近日邊此際巡遊應有賦好將歌舞祝堯年

聞報

天子延英御錦茵報來秋色屬微臣黃金臺上知名  
士紫陌塵中得路人千古願言標大業一枝聊爾占  
先春平生榮祿非吾志別有賢良對 玉宸

贈陳悟泉

陳生讀易已窮年悟得先天與後天直以言中闕妙  
解能於象外契真詮孔愀顏咲應無爽穆卜枚占別  
有傳東海何人稱市隱君平囊底百錢穿

贈馮山人子潛山

山人搆半舫齋又有詩草行于世

蕭然東鄙老馮生健筆猶堪牛耳盟半舫晤言遺世  
態一編詩草負時名休論婚嫁當年事無奈尊鱸此  
日情多暇不妨頻過我門前五柳向君迎

輓潘恭定公

帝座星辰列上台西曹執法信雄哉天邊此日騎箕

去海畔何年化鶴來玉檢金書留石室青松白草傍  
泉臺秋風灑泪空山裏猿鳥無端亦夜哀

咏朱孟元華月軒得雲字

軒搆于臘之十二夜月大發華因以名軒

歲杪當空月有文新齋甃砌正紛紜綵霞片片銀河  
度紫氣浮浮畫檻分非是室中藏寶劍何從天上吐  
奇雲廣寒夜色長如許萬里秋光摠照君

咏三白酒

缸頭釀酒酒初芳玉粒浮浮白似霜碎和蘭英為竹  
葉全分露氣作枴漿水壺月湧金莖潤銀甕波流井

醴香最是酒家春色暖拚將一醉解貂璫

咏華山贈龔君

西望華山翠黛濛高巖重嶺首陽東雲霄渺渺神仙  
境松柏九九君子宫身跨真龍呼酒母室懸石榻臥  
羊公龔生避世居廉里獨羨當年採藥翁

送徐孟孺北行

嗟君久是南中客北去何從問主家一片秋風搖桂  
樹半簾夜雨濕瑤花來時共飲山頭月到日先乘海  
上槎佇立郵亭多別意殷勤斗酒夕陽斜

送徐澤夫

文貞公襲以壽八十 上賜存問遣  
謝 闕下 詔拜澤夫中書舍人辭  
不就且嘗有  
志上封事云

知君昔已辭榮祿再上金門氣轉雄封事好將酌  
聖主科名元不媿先公到看瑤桂花隨折望入雲霄  
路自通寄語洛陽詞客道曲江同日醉春風

舟次再贈澤夫

丈夫應不戀鱸專把袂相看笑語頻楚月燕雲邀去  
旆花君酒聖送行人移舟悵別龍門近奏賦携歸獸  
錦新太史明朝占紫氣徐郎天上是麒麟

何士壯芝園集  
送喬伯麟北上

載筆看君事遠征  
翩翩裘馬氣崢嶸  
周南禮樂當年賦  
洛下才華此日聲  
天應參辰橫斗象  
雁分吳楚惜群鳴  
相思脉脉含雙淚  
秋月春風一訴情

送道平上人還山

吳山舊鎖有禪扉  
風斂花宮隔翠微  
趺坐幾年知佛性  
玄譚半偈悟真機  
巖前石髓供香積  
溪上雲霞護衲衣  
此地閉關如有意  
可能飛錫一來歸

寄葉司理克慎

都下論交憶有年  
與君同照杖藜烟  
才名自昔推江左  
使節于今駐漢川  
望望孤城青嶂外  
翩翩雙鳥白雲邊  
雁來雁去書頻寄  
無奈風塵別楚天

送余公漢城還朝

公時命視奠徐文貞

歌罷皇華星使行  
飛來劍履識雄名  
才高画省風流在  
望重天朝斗氣橫  
為問老臣多哽咽  
莫訝公子少逢迎  
春深會有還京詔  
黃鳥聲聲送去程

簡徐鴻臚正夫

金縷朝天曙色寒  
羨君三十早登壇  
珮鳴北闕啣秦

重臚唱南宮拜漢官江上名山隨覽勝署中仙吏共  
追歡由來此地巖廊望 聖代應知雨露寬

贈徐給諫警弦

黃門叱馭劔花橫南國風雷肘腋生海外流傳名疏  
草朝中震動直臣聲山川秀色新裁賦肝膽交情舊  
話盟千載鍾期君似者可知同調意相傾

送王府幕述泉北上

不盡河橋折柳情柳枝影裡是王程白雲古道吟秋  
色紅日彤庭拜 聖明片片芙蓉生劔鏑紛紛木葉

亂車聲知君慣識賢勞意且向燕山傍月行

寄彭欽之

經年冰雪布颿前入洛風塵意自憐舊日藜牀聯白  
社今秋桂色射青錢歌來筆傍雲霄上召對人推董  
賈先才子莫愁終濩落去身尺五是堯天

壽顏令君嶧臬

高天颯爽芙蓉淨燁燁雙鳧海上飛花發棊堂時雨  
徧水流公府吏人稀杯浮霞彩千醺醖簾卷峰青九  
翠微自是關門多紫氣氤氳五色映朝暉

寄呈聶兵憲崇野老師

時得請改南埭里省觀

画熊仙吏息馳驅戲綵庭前清讌娛自昔恩波流海  
畔于今才望在邊隅仍將紫綬司三輔那許青尊問  
五湖太史此來占斗氣朝天猶及見飛鳧

夜集馬嶧寺雪泉上人禪房

紺殿凝香五色烟東風宴坐對深禪僧歸錫響山前  
月客至杯浮水上天此夜箇中傳一指何年方外了  
三緣支公玄度相尋處白社青蘿花欲燃

送楊別駕敷虞北行

郊外喧喧父老聲使君譽聞水能清星馳冀北擁旄  
去日望雲間聽鶴鳴別駕暫淹千里足司農應計九  
年畊天王召問虛前席為說東南賦未平

懷徐孟孺王補之董玄宰徐澤夫同社諸兄弟  
幾唱驪歌引珮環交游半已入燕關橫霄共倚雌雄  
劍製賦同誇大小山吳客千秋千氣象朔雲萬里照  
容顏郵筒不盡相思意到日追歡玉筍班

贈景峰上人

霏霏晴藹遶山居可是禪僧入定時片石峰頭花氣

散青蓮座上月光遲微聞仙梵來高士獨會真如禮  
大師洗鉢焚香經誦後不妨一和碧雲詞

秋日同朱孟元顧爾成張虞侯唐元升沈孺休  
孫世聲及諸弟士勝士虬士遜游九峰二首

秋波渺渺汎樓船載酒啣杯對遠天九點芙蓉浮漢  
上一簾烟月挂山前支筇拂石眠花底着屐凌風陟  
樹巔誰似此遊堪寄興同君賦就白雲篇

其二

登臨正喜葛衣輕秋入層嵐暑氣清洞口恰逢孤鶴

款寺門時見老僧迎悲來草暗平原里眺遠雲封白  
苧城片片青山看不盡歸舟還聽櫂歌聲

送陳穉登南行

幾年南國共襟期今夕相逢問酒卮作賦不虛名下  
士多才寧數里中兒懸知宋玉唸秋日正是却生擢  
桂時別浦送君何所贈殷勤為誦鹿鳴詩

送史舜舉

憐君才調已登壇幾度秋風客夢殘王氣千年雄白  
下文旌此日駐江干成名且喜雲霄近射策能令星

何士仲芝園集  
斗寒却桂請看枝上信故人聞報欲彈冠

送內兄季仲登

離筵酒歇杜鵑啼送送前亭日未西  
岍柳千條含紫氣江雲五色報金泥  
文成北斗翻南極瑞應青牛又碧雞  
外父北省發科  
五年得第故云寄語鳴琴堂上客  
清秋今不負  
燃藜

送士端弟

咄咄吾家有白眉天教仲氏好吹簫  
南金共許無雙價竇桂將分第二枝  
夜望斗牛光錯落秋飛鴻雁翼

差池會將題柱成名近司馬從來已入貲

其二

縱橫彩筆散吳雲年少終軍自不群  
媿我漫成金馬賦知君能識碧雞文  
垂垂玉樹庭前發歷歷秋光掌上分  
自是承明同待問好將名姓策功勳

送朱伯程

君與余生同年居同里

雲飛浦口送歌聲風滿前林月滿城  
南國諸生皆避席中原多士盡知名  
年華青髮憐同我甲第東隣喜見兄  
門外客來看氣色桂花香拂酒杯傾

送章公觀

南中獨有濟川才文似相如捷似枚江月欲邀詞客  
賦山霧常伴謫仙來三秋烟雨尋遺勝一棹星槎逼  
上台得意可知游寓久時時清嘯鳳凰臺

送張仲仁

天南山岫五雲深賦就長卿獻上林自有星辰看劍  
鏢不煩雷雨識龍吟江城香滿千花發桂樹秋高片  
月臨想到故廬多氣象東隣豺虎莫相侵時為豪家  
侵侮故云

送王韜甫

月在長空酒在尊東亭一棹送王孫天風裊裊吹紅  
板宮柳依依向白門秋到君家還入戶聲隨仲氏却  
吹墳韜甫乃弟已  
先得雋故云僊飄指日歸江上遙憶逢迎何處  
村

送董原道

迢迢飛旆過江濱夾岫芙蓉笑送君南極星光天外  
指西園桂馥月中分三都賦貴長安紙五色名高太  
史雲此地故人應不少相尋烟水奉殷勤

送張孟端

聲聲簫鼓送樓船  
搖曳東風去欲仙  
少小才名傾洛下  
翩躚詞賦壓盧前  
榻縣南極星文耀  
人到中原王氣偏  
秋事看君已得意  
黃金色動一游燕

泊舟檣李題烟雨樓

縹緲湖光極浦東  
平臨烟郭起長虹  
千家燈火層雲外  
一望樓臺過雨中  
晴日遠移雙塔影  
高天斜掛半颿風  
最憐此水清如許  
合與瀟湘景色同

夜宿烟雨樓再賦

耿耿波流落照前  
朱欄翠壁浸澄川  
泉聲欲湧湘江

月堤柳長含夢澤  
烟北郭芙蓉天鏡渺  
前邨薜荔畫圖懸  
夜深不厭重遊賞  
醉逐鴛鴦上酒船

遊西湖同任年丈素懷

湖上清秋畫靄橫  
行遊盪漿棹歌聲  
六橋水浸芙蓉媚  
兩岸烟銷楊柳輕  
杖底雲山供命酒  
坐中賓客起吹笙  
徘徊及暮飛歸棹  
作賦渾慚風雅名

懷馮太史開之

世路巖嶮詎足論  
知君瀟灑卧雲根  
名歸白社人逾重  
身入青山道自尊  
舉棹五湖遊太史  
提壺十日飲

何士抑詩集  
卷七  
平原故人只在雙橋畔可是相逢笑語溫

岳王墳

慘慘浮烟暝色沉行人感慨謁前林捲旗戲下頭寧  
斷埋劍山中骨可尋北地雲深呼御蹕南枝柏古見  
忠心千秋讀罷中興詔苦雨淒風泪不禁

蘭江夜雨胡孝廉元瑞同鄧廷尉希甫移酌舟

次

夜占星聚蔚藍天聽雨相逢意倍憐座上忽來廷尉  
客帆前爭覓孝廉船金尊把臂成高會綵筆含毫散

紫烟一夕雄談千古快何人舌底不青蓮

寓澱水驛題贈

壯心何事耻居卑驛馬長嘶澱水涓青眼幸逢仙令  
盼春風偏拂下臣禱衙儲棗脯聊供客坐對谿山可  
療饑莫道薄遊難報稱乘田委吏是吾師

訪同年葉蘭谿玉城

仙吏相逢驛水邊河陽高會菊花鮮千秋弔古青山  
外一夕談天白杜前愧我才名非骯髒看君意氣自  
留連同年兄弟多遊宦暫借清光傍錦鞵

賦贈葉玉城

蘭陰道上野人行盡說君侯水樣清紫氣已從關外  
度福星偏向婺中明高秋花發千林合綺席香留四  
座傾不有臨邛相引重可令聲價似長卿

謁章楓山先生祠

聞道先生節操清中朝抗疏重公評傳來正學千年  
秘成得真儒一代名黃土愈高耆碩望丹楓猶見老  
臣情即今 天子崇經術廟食仍須耐豆羹

贈章太僕小山

鴻儒葉葉名逾重公子翩翩老更強青瑣封章時作  
鑑紫囊朝笏舊懸梁談將激水波紋動酒挹蘭江花  
氣香海內何人稱長者追隨累日意偏狂

訪同年方金華岱陽

喜從境內聽歌謳四望雲山紫氣浮附驥昔年慚郢  
客登龍今日識荊州乾坤獨爾風流最兄弟誰人笑  
語投知道河陽能禮士石生流寓不窮愁

贈張郡侯鳳梧

時聞官屬說君侯聲望于今滿婺州自嘆馬卿流落

又敢勞重胤禮文稠懸魚橐有鳴琴響馴雉民歌瑞  
麥秋鄉曲借光先達譽不妨受簡賦登樓

贈周郡丞正所

問字從來說子雲拏舟過訪結慇懃  
婺中公序六先正學推先  
輩鄴下雄文重使君生正學編為愛青山迴黯淡欲  
披玄藻吐氤氳諸公大有憐才意莫遣空書白練裊

贈呂別駕官城

君為同里人又嘗為同袍友

芙蓉秋色滿江城望入雲間一水盈我昔同袍元後  
進君今作吏是先生人從斗氣占星聚政頌水壺似

水清聞說群寮多好士故來千里覓詩盟

寄投劉司理直洲

字內詞壇馭主盟多君綵筆冠群英曾從江左聞高  
譽欲向荆南識大名官屬共稱執法吏關津那數棄  
儒生此行擬作循良傳不獨文章重兩京

投贈毛山陰仁山

聞說山陰滿縣花清芬飛入野人家鳴琴簾下成絃  
誦流水壺中汲井華仕路駸駸依日月訟庭寂寂鎖  
烟霞公餘倘有尋幽興結駟相携到若耶

步紹興官廨

官廨在山絕頂山名卧龍山又名種山下則會稽山陰而縣分列其

中余凭高視之則四面皆山鬱乎蒼翠俯視之則宮室參差草木蒙茸爛焉若錦寓目賞心不覺此身之飄然遊舉也古稱神仙官府語不虛哉暇日駕小艇乘肩輿臨眺山水間探禹穴之奇尋蘭亭之勝翩翩乎壯游矣

勃然騁望郡齋中王霸當年氣槩雄翠壁繞庭疑傍  
金城環堵欲浮空朝看四塞河山曉晚眺千林烟  
霧濛濛聞道神仙成吏隱好將風景問天公

夏禹陵

從來禹穴世流傳舊有衣冠窆石縣芝殿壁開青嶺

雲龍蛇隱隱藏神物風雨蕭蕭護  
古阡夾道喬松高百尺遊人指點憶壇烟

呈座師朱宗伯

時宗伯有太夫人服還居里中

吾師聲望在巖廊八座人依北斗傍身以秩宗元佩  
紫舌因讀禮輟含香樓山舊是台衡地還闕旋承  
黼宸光自愧不才門下士敢題第宅鄭公鄉

朱老師招携別業

半空突兀起層臺一望雲霞莽蕩開滴滴真珠飛澗  
出泠泠方玉逐波來將憑秋水籠烟月且向翔鴻度

何士仲芝園集  
酒杯只恐安車徵舊德東山未許久徘徊

訪舊父母張喻齋

往自單車去谷陽令君坐席至今香三秋寄到雙魚  
信一夜浮來萬里航轉憶分岐回首恨翻憐促膝引  
杯長當年海內誰知已相對如何喜不狂

其二

新齋高築碧雲岑種竹栽花溉釜鬻今夜嘯歌天上  
月古槐絲竹省中音萬重山色堪携賞百鍊君才合  
卧臨孔道舊民思借寇未知何處藉棠陰

歸泛姚江

邑有新齋西城城跨江左右

從古開封列帝丘碧天翠嶂似羅浮重城屹峙東西  
勝一水中分左右流去屐徘徊晴日渺歸帆迢遞晚  
山稠相逢地主携尊酒簫鼓聲聲散客愁

嘉湖道中阻風

客子從來行路難終風忽起白雲端前林雨氣迷晴  
日隔渡灘聲瀉暮湍捐珮獨憐游女去解衣誰念故  
人寒長歌倚劍飛天外一夕仙槎傳羽翰

訪董儀部伯念

白蘋洲上是君家  
画省風流鬢未華  
滄海暫容仙吏  
卧湖天忽泛故人槎  
歌殘把袂呼明月  
興到啣杯舞落花  
今日儻憐同調在  
願從徙倚躡烟霞

壽茗水張東園

嘯傲東林烏角巾  
不須風起憶鱸尊  
飛來青鳥山中  
使跣進霞觴  
若下春七袞  
韶光朱夏度  
千秋淑景白頭新  
庭前玉樹方承寵  
執戟金吾漢侍臣

同年包襲明黃玄之招同沈孺休孫世聲飲湖

中有賦

鴛湖氣爽競高秋  
况復仙舟李郭遊  
同籍十年多繼  
緒携尊一夕重  
滄留風清塵尾朱  
絃度柳暗樓頭翠  
蓋浮博得雙雙珠  
在握可無明月報  
綢繆

送清臣張丈北游訪董太史

壯游意氣薄延津  
匣裏雙龍故自神  
雲挂片帆吳嶺  
雪鶯啼高樹  
薊門春新詩賦就  
分官草舊雨行看傍  
玉宸到日倘逢同  
杜問為言近况戀鱸尊

寄董太史玄宰

結駟聯轡逢巷裏  
羨君摇曳玉堂窓  
胸羅星斗高題

何士披卷園集  
卷三  
柱手策天人醉曲江奕奕雄文元有價我我國士定  
無雙共嗤老大還淪落誰道狂生不肯降

寄楊彥履因憶馮開之唐元徵董玄宰諸同社  
俱在史館感賦

與甬同遊入建章黯然落羽獨南翔行時夢筆蛟龍  
動別後瓊枝雨露香始信連城元結綠定知千里是  
飛黃社中兄弟多裘馬相對誰憐傅粉郎

送徐公懋之金陵限韻

羨甬名成入洛年天邊搖曳孝廉船風流不在吾曹

後詞賦誰云作者先烟雨六朝帆底動鶯聲三月禁  
中傳盈盈一帶長江水望轉樓頭人未眠

椿萱並茂為陳令君養自賦

聞道仙郎具慶時彈琴堂上進交梨春風萱草娟娟  
細玉洞靈椿葉葉垂錦製河陽牽綵服尊開北海注  
金卮千秋不盡絃歌意笑指南山好賦詩

江天曉發贈徐民部

望望江天紫氣饒司農官屬早乘輅名高北省翻南  
者節按三吳又六朝仙吏暫時容嘯傲青山何處不

何士抄芝園集  
道遙并州異日如相念驛路逢人尚可邀

壽蔣嬰濱

瓊筵咫尺數峰青七袞韶華帝與齡顏駐丹霞春未  
老杯浮膏露酒初醒壺中日月開榆景海上蓬瀛隱  
歲星眉壽于今何以介森森玉樹統前庭

贈璩君瑕山居

多君傲骨甘棲逸避俗買山還築室苧布裁為隱士  
杉松枝葉作幽人筆吳歛歌起日扣舷燕石齋成時  
抱膝牢落風塵那足嗟千秋詞賦名堪述

舅氏包吉甫大父蒙泉從大父吳石兩侍御公  
並祀鄉賢係羣中盛事詩以紀之

柏臺門闕久崢嶸風節稜稜弟與兄兩篋封章垂信  
史一時俎豆列名卿墓前宿草衰猶碧身後公評死  
亦生孝謹君家稱萬石象賢葉葉嗣芳聲

奉在唐長公高元錫二進士飲園中賦得園字  
翩翩車騎向衡門三徑蓬蒿酒一尊豈有風流如水  
却曾無沆瀣擬文園青雲坐統琴書瀾白雪歌殘咲  
語喧莫以浮沉相詫問踈狂我党傲乾坤

李茂承招同俞僉憲新宇飲顧中翰濯錦園  
濯錦園中木石奇登樓風色轉淒其天邊一片模糊  
雨池畔千條窈窕枝命酒不辭山簡醉畱題唯有謝  
公詩更看晚霽堪同賞月上林端恨別時

春日邀林儀卿李賓卿陳誠一朱甬師諸同袍

丈飲園中

小苑春光傍堞開高賢履舄下林隈簷前雨色清花  
氣樹底鶯聲送酒杯晝短留連應秉燭夜闌歡賞復  
登臺自知舊侶慚何遜空負諸君奏賦才

壽張郡丞雲橋

佐郡功名屬上材何人不借冠恂來頻年時雨波仍  
潤到處甘棠樹可栽雲物英英依鳥在芙蓉點點傍  
衙開長生自有金莖露乞取君侯薦壽杯

贈張郡丞考滿

中朝課最駐恩綸聲望于今領縉紳少府三年時  
擁篆大夫五馬幾參輪可知卓異神仙吏未許逍遙  
湖海身指日重書徵十道好將勲業次麒麟

豫章鄧泰素過訪留飲賦贈

借聞芳譽滿洪都玉趾何來貴海隅喜有吳歛嬌郢  
曲慚無荆璩報隋珠臨觴夜漏歡難足分手湖陰淚  
欲枯只尺重携燕市裏杏花春雨醉醒酬